

NFT FOR WOMEN



„NFT for Women” u Umjetničkoj galeriji BiH u Sarajevu Četvrtak, 22. decembar u 13 sati

„NFT for Women” je pilot projekat koji Muzej savremene umjetnosti Republike Srpske razvija sa kancelarijom UN Women u BiH. Cilj projekta je približavanje NFT-a (Non-fungible tokens, u prevodu nezamjenjivi tokeni) lokalnoj umjetničkoj zajednici i ukazivanje na značajan ekonomski potencijal ove inovacije za savremenu umjetnost i kreativne industrije.

Kroz radionice, online sesije i diskusije umjetnice i umjetnici imaju priliku da nauče šta je NFT, kako da ih koriste te da se uvjere u mogućnosti i potencijal NFT-a za savremenu umjetnost. Poseban naglasak stavlja se na zaradu u okviru NFT tehnologije, koji lokalnim umjetnicima otvara mogućnost za nove izvore prihoda u globalnom digitalnom tržištu umjetničkih djela.

NFT je jedinstven i predstavlja digitalnu verziju bilo koje stvari ili imovine, uključujući i umjetnička djela. Oni su trajno pohranjeni u posebnoj bazi podataka, zvanj blockchain (lanac blokova), u inovativnom programskom formatu, koji se zove pametni ugovor (smart contract). Ove tehnološke inovacije otvorile su potpuno nove mogućnosti za umjetnost, kakve su do sada bile nezamislive. Tako je tokom posljednjih godina nastalo jedno potpuno novo globalno tržište, u kojem se umjetnički radovi kupuju i prodaju za kriptovalute.

Djela lokalnih umjetnika na ovom tržištu nisu dovoljno zastupljena, zato se ovim projektom otvaraju vrata za ulazak domaćih umjetnica i umjetnika na novo tržište sa velikim ekonomskim potencijalom.

Projekat „NFT for Women” realizovaće se radionice, online sesije i diskusije na kojima će umjetnice i umjetnici imati priliku da saznaju odgovore na sljedeća pitanja:

- Šta je NFT?
- Koji su razlozi i motivi za upotrebu NFT u oblasti umjetnosti?
- Koji alati i znanja su potrebni za pretvaranje umjetnosti u NFT?
- Kako izgleda NFT tržište?
- Kako zaraditi na NFT tržištu?

[Type here]

NFT FOR WOMEN



Radionice su realizovane u šest gradova BiH, s tim da je prva održana u Banjaluci u Muzeju savremene umjetnosti Republike Srpske, potom u Bihaću u Gradskoj galeriji Bihać, u Kulturnom centru Trebinje, u Sveučilišnoj galeriji, Sveučilišta u Mostaru, te u Centru za kulturu – Atelje Ismeta Mujezinovića u Tuzli.

Voditelj radionica i online sesija je **dr Mehmed Bečić**, docent Pravnog fakulteta Univerziteta u Sarajevu. Bečić je idejni autor i voditelj nekoliko projekata koji spajaju imovinsko pravo, istoriju, digitalni svijet i umjetnost. Od 2017. godine aktivno se bavi kryptoimovinom/valutama, a sa pojavom prvih zakonodavnih intervencija vezanih za digitalnu imovinu u svijetu, ove fenomene istražuje i sa naučno-stručne strane.

Jedan od glavnih ciljeva projekta je osnaživanje žena u umjetnosti i digitalnim tehnologijama, a projekat će pratiti otvoreni Javni poziv za sve zainteresovane umjetnice svih starosnih dobi koje žele svoju umjetnost plasirati u okviru NFT tržišta. Poziv će biti otvoren **od 1. decembra 2022. do 30. januara 2023. godine**, a sve umjetnice koje žele učestvovati trebaju popuniti aplikaciju (<https://forms.gle/Bki865Mic9U1sixZ6>)

Nakon zatvaranja Javnog poziva, stručni žiri će izabrati dvadeset umjetnica sa po jednim umjetničkim radom koji će biti transformisani u NFT. Izabrani originalni radovi nakon završetka projekta će biti trajno pohranjeni u depou Muzeja savremene umjetnosti Republike Srpske. Transformacijom umjetničkog rada u digitalni token prelazi se sa analogne na digitalnu formu čime se mijenja vrijednosna struktura u kojoj originalni rad više nema raniju tržišnu vrijednost jer prelazi iz analognog u digitalni oblik.

„Ovim želimo da na praktičan način pokažemo kako je moguće iskoristiti potencijal novih tehnologija u službi umjetnosti i kreativnih industrija te na taj način pristupiti globalnom tržištu. U konačnici, cilj projekta je pomoći umjetnicama da u okviru novog umjetničkog digitalnog tržišta prodaju svoje radove i na taj način ostvare ekonomski prosperitet.“ – dr Sarita Vujković, direktorica Muzeja savremen umjetnosti Republike Srpske.

Projekat će pratiti javna prezentacija dvadeset izabranih radova u Banjaluci i Sarajevu.

[Type here]

NFT FOR WOMEN ♀



[Type here]